

Santanero

Nomber

E Santanero ta yama ‘Baker’s kattenoogslang’ den hulandes. Den ingles e Santanero ta yama, ‘Baker’s cat-eyed snake’ y e nomber latino ta ‘*Leptodeira annulata bakeri*’.

Habitat

E colebra aki ta bin dilanti ful rond di Aruba. Nan ta gusta un ambiente humedo y ta aparece



hopi tambe den mondi, hofi y den curanan. Durante dia e ta sconde su mes bou di blachinan, baki di mata y piedranan. Anochi e ta bay riba caminda. Nan ta subi tur caminda, tambe riba cadushinan y matanan.

Parti pafo

E santanero por crece te cu 50 pa 70 centimeter largo y ta mesun diki cu un duim. Santanero tin un patronchi di color bruin cla y bruin scur. Riba su barica bo no ta wak ningun patronchi. E parti di barica ta cla, for di colo te cu blanco. E pupil ta vertical.

Cuminda

Nan no ta hopi venenoso. E Santanero ta como tur cos, raton, cacalaca, lagadishi, dori, insecto y tin biahia tambe sapo.

Util

E Sapo ta un ‘dori grandi’ y un bestia cu no ta desea. E sapo a bin Aruba mas o menos 20 aña pasa y a causa problema. E ‘Saponan’ por tin un largura di mas cu 20 centimeter. E sapo ta come hopi y ta venenoso. E Santanero ta feliz inmune pa e veneno di e sapo y a descubri cu e sapo ta smaak bon.

Reproduccion

E Santanero ta sconde su webonan bou di piedranan grandi of bou di blachi di mata. E webonan ta 2 cm largo. E cayente di solo ta haci e resto.

E Santanero nunca no lo ataca y e no ta peligroso pa hende.

Mas_Information

Un video u ta laga wak e 3 diferencianan entre colebranan (Pa distingui e diferencia entre e 3 colebra cu tin na Aruba): <https://www.youtube.com/watch?v=DtZVSM2Eucg>

Video riba Internet:

<http://www.natuurbeelden.nl/fragment/bakers-katteoogslang>

Bronnen/Links:

Foto: Greg Peterson - <https://www.naturetoday.com/intl/nl/nature-reports/message/?msg=17498>

Parke Nacional Arikok website en FB

https://www.beautiful-aruba.nl/column/gewenste_en_ongewenste_slangen_op_aruba.html